

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 133. sjednici održanoj dana 22.02.2018. godine, d o n o s i

ZAKLJUČAK

o davanju ovlaštenja za sudjelovanje u pregovorima i potpisivanju zapisnika u pregovorima za pojedinačni kolektivni ugovor o pravima i obavezama poslodavaca i radnika u oblasti šumarstva za Javno preduzeće “Šumsko-privredno društvo Zeničko-dobojskog kantona“ d.o.o. Zavidovići

I.

Ovlašćuju se:

1. Himzo Smajić, ministar Ministarstva za poljoprivredu, šumarstvo i vodoprivredu Zeničko-dobojskog kantona i Jasmin Devadžić, direktor Javnog preduzeća “Šumsko-privredno društvo Zeničko-dobojskog kantona“ d.o.o. Zavidovići, da kao ovlašteni pregovarači u ime Vlade Zeničko-dobojskog kantona, sudjeluju u pregovorima i potpisivanju zapisnika o pregovorima, radi pregovaranja i zaključivanja pojedinačnog kolektivnog ugovora o pravima i obavezama poslodavaca i radnika u oblasti šumarstva za Javno preduzeće “Šumsko-privredno društvo Zeničko-dobojskog kantona“ d.o.o. Zavidovići.
2. Asif Mujkić, dipl. pravnik da prisustvuje sastancima kao stručna pomoć ministru Ministarstva za poljoprivredu, šumarstvo i vodoprivredu Zeničko-dobojskog kantona i direktoru Javnog preduzeća “Šumsko-privredno društvo Zeničko-dobojskog kantona“ d.o.o. Zavidovići na temu pregovora pojedinačnog kolektivnog ugovora za Javno preduzeće “Šumsko-privredno društvo Zeničko-dobojskog kantona“ d.o.o. Zavidovići.

II.

Ovaj Zaključak stupa na snagu danom donošenja.

Broj: 02-_____/18.

Datum, 22.02.2018. godine

Z e n i c a

PREMIJER

Miralem Galijašević

DOSTAVLJENO:

- 1x Ministarstvo za poljoprivredu, šumarstvo i vodoprivredu,
- 1x Ovlaštenim (putem Ministarstva),
- 1x Ministarstvo za pravosuđe i upravu,
- 1x a/a.

O b r a z l o ž e n j e

PRAVNI OSNOV:

Član 16. stav 4. Zakona o Vladi Zeničko-dobojskog kantona (Prečišćeni tekst) ("Službene novine Zeničko-dobojskog kantona", broj: 7/10), a u vezi sa članom 138. stav (4) Zakona o radu („Službene novine Federacije BiH“, broj: 26/16) (u daljem tekstu: Zakon).

RAZLOZI ZA DONOŠENJE:

Vlada Zeničko-dobojskog kantona na svojoj 59. sjednici održanoj dana 16.06.2016. godine donijela je zaključak broj: 02-34-11722/16 od 16.06.2016. godine o davanju ovlaštenja Himzi Smajiću, ministru Ministarstva za poljoprivredu, šumarstvo i vodoprivredu da u ime Vlade Zeničko-dobojskog kantona kao predstavnik mjerodavnog ministarstva sudjeluje u pregovorima i potpisivanju dnevnih zapisnika u pregovorima sa ovlaštenim predstavnicima reprezentativnog sindikata o Kolektivnom ugovoru za oblast šumarstva u Federaciji Bosne i Hercegovine. Istim zaključkom Samra Članjak, dipl. pravnik i Asif Mujkić, dipl. pravnik ovlašteni su da prisustvuju sastancima kao stručna pomoć ministru Ministarstva za poljoprivredu, šumarstvo i vodoprivredu Zeničko-dobojskog kantona na temu pregovora o granskom kolektivnom ugovoru za oblast šumarstva u Federaciji Bosne i Hercegovine.

Na svojoj 75. sjednici održanoj dana 27.10.2016. godine, Vlada Zeničko-dobojskog kantona donijela je Odluku o davanju saglasnosti na Kolektivni ugovor o pravima i obavezama poslodavaca i radnika u oblasti šumarstva u Federaciji Bosne i Hercegovine broj: 02-34-17827/16 od 27.10.2016. godine. Istom Odlukom ovlastila je ministra Ministarstva za poljoprivredu, šumarstvo i vodoprivredu da u ime Vlade Zeničko-dobojskog kantona potpiše Kolektivni ugovor sa Samostalnim sindikatом šumarstva, prerade drveta i papira Bosne i Hercegovine.

Kako je Kolektivni ugovor o pravima i obavezama poslodavaca i radnika u oblasti šumarstva u Federaciji Bosne i Hercegovine zaključen na period od jedne godine, Samostalni sindikat šumarstva, prerade drveta i papira Bosne i Hercegovine je svojim aktom broj: 06-457/17 od 07.09.2017. godine uputio prijedlog za produženje primjene Kolektivnog ugovora o pravima i obavezama poslodavaca i radnika u oblasti šumarstva u Federaciji Bosne i Hercegovine broj: 02-34-17827/16 od 27.10.2016. godine uz dostavljanje prijedloga Sporazuma o produženju primjene Kolektivnog ugovora o pravima i obavezama poslodavaca i radnika u oblasti šumarstva u Federaciji Bosne i Hercegovine na period do tri godine.

Ministarstvo za poljoprivredu, šumarstvo i vodoprivredu je svojim aktom broj: 05-34-13002/17 od 21.09.2017. godine zatražilo mišljenje od JP "Šumsko-privrednog društva Zeničko-dobojskog kantona" d.o.o. Zavidovići. Aktom broj: 03-3922-1/17 od 03.10.2017. godine, JP "Šumsko-privredno društvo Zeničko-dobojskog kantona" d.o.o. Zavidovići dalo je mišljenje da prihvataju ponuđeni prijedlog na način kako to predlaže Samostalni sindikat šumarstva, prerade drveta i papira Bosne i Hercegovine, odnosno da se primjena Kolektivnog ugovora produži na tri godine, te da su svi interni akti usklađeni sa istim, te smatraju da nema smetnji da se i dalje primjenjuje.

Aktom Ministarstva za poljoprivredu, šumarstvo i vodoprivredu broj: 05-34-13002-6/17 od 31.10.2017. godine, u Stručnu službu Vlade Zeničko-dobojskog kantona upućen je prijedlog odluke o davanju saglasnosti za produženje primjene Kolektivnog ugovora o pravima i obavezama poslodavaca i radnika u oblasti šumarstva u Federaciji Bosne i Hercegovine na period do jedne godine, tačnije do 01.12.2018. godine.

Vlada Zeničko-dobojskog kantona na svojoj 116. sjednici, održanoj dana 02.11.2017. godine donijela je zaključak broj: 02-34-15202/17 od 02.11.2017. godine kojim je tačku dnevnog reda, prijedlog odluke o davanju saglasnosti za produženje primjene Kolektivnog ugovora o pravima i obavezama poslodavaca i radnika u oblasti šumarstva u Federaciji Bosne i Hercegovine vratila na doradu i zadužila Ministarstvo za poljoprivredu, šumarstvo i vodoprivredu da sagleda situaciju, prikupi više informacija i konsultuje sve učesnike vezane za dostavljeni prijedlog.

U ostvarenim kontaktima sa Samostalnim sindikatom šumarstva, prerade drveta i papira BiH zaključeno je da se Opći kolektivni ugovor za teritoriju Federacije BiH više ne primjenjuje od 31.12.2017. godine kojim je bilo propisano članom 32. stav (2) da kolektivne ugovore za javna preduzeća, čiji je osnivač Federacija, Kanton, Grad ili Općina, kao i privredna društva koja su 100% vlasništvu Federacije, Kantona, Grada ili Općine, zaključuje reprezentativni sindikati i osnivači, odnosno nosioci državnog kapitala.

U Zeničko-dobojskom kantonu egzistira samo jedno šumsko-privredno društvo, JP „Šumsko-privredno društvo Zeničko-dobojskog kantona“ d.o.o. Zavidovići. Prestankom važenja Općeg kolektivnog ugovora za teritoriju Federacije BiH ne postoji pravni osnov da se kolektivni ugovor zaključi za područje kantona.

Članom 138. stav (4) Zakona je regulisano da pojedinačni kolektivni ugovor zaključuje reprezentativni sindikat kod poslodavca i poslodavac.

Samostalni sindikat šumarstva, prerade drveta i papira BiH svojim aktom broj: 06-60-2/18 od 15.02.2018. godine ukazao je da se na isti način vode pregovori za zaključivanje Kolektivnog ugovora za djelatnost šumarstva u Tuzlanskom kantonu.

Uzimajući u obzir relevantnu zakonsku odredbu, Ministarstvo za poljoprivredu, šumarstvo i vodoprivredu predlaže da Vlada Zeničko-dobojskog kantona usvoji zaključak kao u prijedlogu

MINISTAR

Obrađivač akta:

Himzo Smajić

Samra Članjak